

DISIDANS : Batayon Lézantiy



1



2

1. Batayon Lézantiy - Kan Haramon, Nouvelles Orléans, Zétazini, oktob 1942
2. Batayon Lézantiy, Fort Dix- New Jersey, Zétazini, janvié 1944

- 1 Dépi Juiyé 1940, anchay jenn Lézantiy ka chapé Gwadeloup ek Matinik anbafe pou rantré an disidans ek alé jwenn tériwè Alyé.

Anpil adan yo ké sòti Gwadeloup, janbé kannal Dominik pou débaké Dominik. Anlot pati ké fè chimen dépi Matinik jik Trinidad.

- 5 An avril 1942, ou pé konté oliwon 50 moun ki za rivé Dominik. Sèlman, pòki tini pies ofisié reskonsab a Jénéral De Gaulle. Kifè, atoupannan, sé disidan-an ka rété kay fanmi pasi Dominik.

Pannan sézon livènaj, yo ka risivwè an fòmasyon militè anba lod larmé Britanik. Alè-tala ou pé konté lantou 400 disidan.

- 10 An sektanm 1942, Liétnan-kolonnel PERELLE, an dirijan ta Komité Nasionnal Fransé ka rivé Dominik.

Jou 10 Oktòb 1942, 325 Antiyé ki adan primié Détachman Lézantiy, ka batjé abò Naviw militè. Aprédavwè yo pasé pa Baltimore yo ka débatjé Nouvelle-Orléans, jou 28 oktob. Yo ka rète adan an kan militè étilla za tini 50 soldafè ki té pasé pa Trinidad.

- 15 An Janvyé 1943, Détachman-an ka déplasé abò tren ek ka pran pozision jou 11 janvié andidan Kan militè Fort Dix, New Jersey. An bout janvié 1943, 150 volontè ki sòti Dominik, ka vin gonflé kontenjan-an. Anplis, ou pé konté tjek dizenn Siriyen épi moun Lisid Lanmèrik, ki, yo tou, mandé angajé.

Détachman-an, parapòt a désizion Gouvelman Anglé, ka fòmé primié Batayon Lézantiy.

An mòso teks ofisiel Kaporal Chef Chal ZOU, sèkrète détachman-an, matjé an avwil 1944 atè Albanova, Litali, anba lod Liétnan Èstanislas MANGIN, Koumandan 2èm Batri-a.

Parad douvan Jénéral Dègol



Batayon Mawch Léziyantiy 5 (BMA5), Parad douvan Jénéral Dègol, Aljé, 14 Juiyé 1944, le patriote résistant n° 856 - septembre 2011

Témwaniaj ta an Disidan

- 1 Ivon Doppia, réponn appel 18 jen 1940 lan. Menm manniè ki anpil jennn manmay Martinik ek Gwadeloup, i pati an disidans.
- « Sété an novanm 1942. Man té ni 17 lanné é té zélev lisé Chelchè. Jennbway ki té pati Dominik oben Sentlisi, nou té ka bokanté asou sa titak épi man té ni kanmarad kontel Jan Volny ki té réyisi janbé kannal-la. An jou rivié, man désidé pati. Menm manniè ki yo, man éséyé pasé pa lisid ek man désann Sentlis. Man rété dé jou laba a. Man té blotjé. "Barfleur" té ka véyé tout bòlanmè-a. Man rantré Fodfrans, kay man Volny. Yonné jou apré, man alé wè tayè papa-mwen. Non'y sété Abott, i té moun Dominik. I di mwen si man té lé pati, i té konnet péchè Dominik ki té ka chayé twel an kontribann. Yo té pou rivié Marigo tanto. An jou, nou pran mo pou landimen bonmaten a dézè, bodlanmè Marigo. Man monté abò an bis.
- 10 Asou plaj Marigo a, man kontré Firmen Fondelot ek nou pati épi sé péchè Dominik la. Man té vòlè pistolé papa-mwen an ek sé li man ba sé moun-lan pou péman. Nou té za sav Kannal Dominik té danjéré davwè yo té ka koulé bato adan'y. Dètwa moun té za jwenn lanmò-yo konsa. Sé péchè-a janbé kannal-la ka ranmé toulong. Apré douzè ditan nou débatjé Wozo. I té dézè di lapremidi. Laba a, nou alé wè sé reskonsab-la adan an kan militè éti misié Peronnette té ka koumandé, épi nou mandé angajé. Man manti asou dat man wèjou-a pou trapé dwa siyé angajman-mwen. An 1943, nonm kontel Marsel Manvil, Franz Fanon, Piè Molole rivié jwenn nou. Nou té za konnet kònou ek davwè nou té ka pasé tout tan-nou ansanm, yo té ka kriyé nou "les trois mousquetaires".
- 15 Pasé sis mwa apré, nou rivié Martinik pou fòmé batayon-an épi nou pati an konvwa pou Mawok... Rivié laba-a, yo séparé nou ek man touvé kòmwen atè Aljé, aprésa man rivié Lakows, éti nou té pou paré gran débakman pou out 1944 atè Senmaksim. Nou té adan 9em divizion enfantri kolonial-la épi Firmen Fondelot, Zami, Edwige é an manmay Gwadeloup, Clarin. »
- 20

Yvon Doppia, *La Martinique du XXè siècle*, jounal Fransantiy-séri ispésial, janvié 2000